

# SANTO ESTELLO 2014

## Li felibre s'acamparan pèr Pandecousto en ciéuta d'Aigo-Morto...



# Prouvènço d'aro

Tóuti li mes, lou journau de la Prouvènço d'aro

Mai 2014

n° 299

2,10 €

## Regioun e Pople Soulidàri

Sian à mand de vouta aqueste mes pèr elegi nòsti députat au Parlament européen, mai fau pas crèire que sèr en rèn. Es de se souveni que lou 11 de setembre 2013, li députat européen acampa en congrès à-n-Estrasbourg èron cunvida à se prounounça sus lou rapport pèr li lengo menaçado presenta pèr Francés Alfonsi.

Aquèu rapport s'adreissavo à la Coumessioun e à l'Unioun Europenco coume tambèn is Estat membre ié demandant de "déployer des politiques ambitieuses et volontaristes de revitalisation des langues concernées".

À la Coumessioun demandè noutamen la relanço d'uno poulitico européenco en favour di lengo en dangié ansin que lou soustèn i prougramo de sauvage-gardo d'aquéli lengo mena pèr li communauta linguistico pertoucado. Apello en particulili is Estat membre que l'an pas encor fa de ratifica e metre en obro la Charte européenca di lengo regional e minoritari. S'adreisso tambèn is "autourita regionalo" pèr qu'emé l'Unioun e lis Estat membre participon à la prouteicioù di lengo menaçado en tenènt comte noun soulamen dis aspèt culturau e educatiu mai tambèn di dimensioun ecounoumico e soucialo d'aquel questioù.

Counfourmamen au vote préalable de la Coumessioun Culturo dóu Parlament européen, li députat européen an aprouve à-n-uno forçò largo majorita lou rapport de l'europodeputat Francés Alfonsi, porto-paraulo de *Regioun e Pople Soulidàri*. Sus 700 députa qu'an pres part au vote, n'i aguè que 26 que votèron contro.

*Regioun e Pople Soulidàri* a pouscu se rejouï d'aquello moubilisacioun pèr la preservacioun de la diversita linguistico en Èuropo.

Au contrari de si vesin, la Franço, mau-grat li proumessu presidencial, la Franço a toujor pas ratifica la Charte européenca di lengo regionalo e minoritari.

*Regioun e Pople Soulidàri* espèro qu'emé aquèu pousicionamen clar de l'Èuropo pèr la preservacioun dóu patrimoni culturau, la Franço finira pèr segui li recomandacioun dóu Parlament européen.

Vaqui l'acioun que fuguè menado e que capitè à l'afflat de nostre europodeputa Francés Alfonsi, poudèn toujor cousta sus éu pèr faire de-longo avança la presso en comte di lengo regionalo dins li poulitico publico dóu païs européen.

Vuei se présento tourna-mai souto la bandero de *Regioun e Pople Soulidàri* pèr tourna mena soun combat au Parlament européen, ié poudèn faire fisanço e apourta nostre soustèn à sa lista *Regioun e Pople Soulidàri* que recampo lis aparaire di lengo regionalo tòuti de-coutriò e li Prouvençalo e Prouvençau li soun pèr buta à la rodo.

Tricò Dupuy  
*Regioun e Pople Soulidàri*

## Frederi Mistral à Marsiho



## L'Èuropo tèn la clau pèr apara li lengo

### Lis eleicioun européenco ? en de que servon ?

Régions et Peuples Solidaires es souleto pèr pourta dins aquélis eleicioun européenca la voues dis identita regionalo. La poulitico franceso, dins tòuti li partit, oubliido li regioun coume ignoro l'Èuropo. Lou centralisme jacoubin a envahi l'espaci poulitic en Franço. Acò estofo lou dinamisme di territòri que volon construire soun avenir autramen que coume un espaci de lesé au proufié de gràndi villo que crèi-



soun de mai en mai. Chasque territòri a dre à soun ecounoumò, à de service publi, à uno vido culturalo, e acò demando de reformo founso, uno regionalisacioun vertadier. A faug que l'Èuropo voutèsse à uno grando majorita en favour di lengo regionalo pèr qu'enfin, la questioun de la ratificacioun de la Charte européenca di Lengo regionalo e minoritari venguèsse davans l'Assemblado Naciounalo. Mai rèn es encaro fa! Mai que mai, uno forçò regiou-

nalista dèu se faire entèndre, e l'eleicioun européenca pourgi uno opourtunita vertadier.

En elegissènt un députat regionalista au Parlament européen, chascul pòu contribuì à manda uno dinamico que cassara l'egemonia parisenco, qu'es tambèn responsabilo di dificulta de la construcioun européenca. Vouta la tiero èuropo-regionalista R&PS menado pèr Francés Alfonsi, es sousteni lis identita regionalo pèr miés réussi l'Èuropo.

Francés Alfonsi

## La Santo-Estello en Aigo-Morto

Lou prougramo complèt dóu congrès di felibre e di festiveta...

Pajo 3

## Frederi Mistral à Marsiho

La villo de Marsiho e la Prefeturo an celebra lou Mèstre...

Pajo 7

## Lou canau de Prouvènço

La bello aigo de Durènço abréuvo toujor que mai li metroupòli prouvençalo...

Pajo 6